


醫方筆記

痘 幼
疹 科

四



先醒齋筆記

幼科附痘疹

小兒初生卽以粉草三錢江西淡豈豉三錢入沸湯一
碗隔水煮乾至一二小杯以綿爲乳蘸藥汁入兒口
吮之以盡爲度腹內有聲去胎糞數次方飲乳月內
未無驚風諸病

兒初生不可剪臍帶三朝用麵和水成薄餅置兒腹
穿臍帶于麵上將蘄艾火灸臍帶近臍處或三炷或
五七炷灸須下帳避風灸畢仍將臍帶紮好聽其自
脫至七日方脫者元氣足也瘖兒九日方脫其神甚

王

凡兒生下每日夜時將清湯或苦茶蘸軟絹攪兒口內如齒邊有白點即以指爪或細針挑破取桑樹內汁濾清金之末無驚風撮口之患予家用前三方兒月內全無殤者

治撮口 其證必先大便熱

用生犀角及真羚羊角磨和蜜汁飲之有效急則用

大黃二錢 甘草二錢 煎服

治月內啼

以真牛黃飛辰砂極細末各五厘塗兒舌上立止

治胎驚 仲淳定有驗

人參 白芍藥 酒炒各一兩 白茯神 酸棗仁 各二兩 炙

甘草 遠志肉 甘草汁浸蒸 真天竺黃 另研如飛砂

另研如法 臍帶 新瓦上炙焦存性 另研細三十條 天麻 犀角 滑石

末各一兩 如有紫河車加一具火烘乾 右天竺黃硃砂

臍帶另研外餘篩極細末然後加入另研三味再研

和令極勻用鈎藤濃汁四兩和煉蜜半觔搗和前藥

每丸重一錢二分饑時臨臥以燈心薄荷湯調化服

日可與二三服或以鈎藤煎濃化藥更佳○如治

急驚本方去臍帶河車人參加白殭蠶六錢全蠲六錢

牛黃一錢琥珀一錢膽星八錢麝香二分

治胎瘧 家弟患此服之神驗

人參三錢虛甚甚瘧以白芍藥三錢廣陳皮二錢鱉甲醋

麥門冬三錢厚朴二錢青皮七錢山查肉三錢水二鍾煎

八分溫服脾胃不佳加川黃連一錢五分真藿香

白荳蔻二分薑皮五分竹葉三十片白茯苓二錢

治小兒癇症或驚風不止服黃孟芳幼患此症久

天竺黃五錢酸棗仁二兩麥門冬二兩人參一兩明天麻五錢

天門冬去心白茯神一兩橘紅七錢遠志肉甘草汁煮

白芍藥酒浸鈎藤五錢細末煉蜜和丸如彈子大水飛

極細硃砂為衣每服一丸燈心湯或龍眼湯化下又
一方加紫河車一具酒洗淨煮爛或焙乾為末入前
藥中

痺積散 宋二懷傳累試神效

治兒乳食不節過飽傷脾胃黃腹大小便濁
如米泔大便黃泄酸臭皮毛枯索甚而雙目
羞明生翳形骸骨立夜熱晝涼等證金用此
方主之

厚朴去皮切片薑汁廣陳皮去白淨粉甘草去皮炙

真蘆薈明如漆苦如蘇莢真孔林大而多衣者青

黛取瀨料舖中浮碎百草霜取山莊人家鍋底煤二錢五分
 旋覆花花青淘淨研三錢淨末一分勻和成劑小兒每一歲用藥一分燈心湯空
 心調服服後病愈再用肥兒丸調理如脾氣未實用
 啟脾丸或大健脾丸如疳氣未盡用陳皮兩白木香
 三白茯苓錢五加平胃散錢三為末陳米湯調下

肥兒丸

人參錢三蕪荑兩一史君子肉兩一白芍藥兩一橘紅錢八黃連
 兩一甘草錢五紅麴錢七麥芽錢七砂仁錢五白茯苓兩一山查肉
 錢七滑石兩一蓮肉兩二福荳兩一青黛兩一煉蜜丸彈子大每
 服一丸空心白湯化下

治疳瀉痢見紅白積者

用前散子加黃連薑汁土炒肉荳蔻一味燈心湯少入熟
 蜜調服

治食積成疳

用前散子砂仁湯調服 四方俱宋二懷傳

治小兒疳症唇白或紫腹大面黃髮乾上指

施季泉有丸藥如龍眼大納猪肝內白酒煮之止食
 肝一劑而愈其丸取出尚可投人方不傳見輩累試
 之奇驗價亦廉

治疳眼

生鷄肝一具不拘大小雌雄二十三歲者只用半具外
去衣內去筋膜研極細如麵入葷積散若干調極勻
加熟白酒厚薄相和隔湯填極熱空心服或用甜酒
少加熟白湯調服至眼開翳散乃止

又方

白芙蓉花陰乾三四錢聽用 另以不油不甞肉豈蕊一枚粉
真胡黃連五分 共細末將赤雄雞軟肝去筋膜入前藥
末同研極細丸如龍眼核大白酒隔湯煮熟空心與
兒吃其藥約分三分如兒小可再分作四分兒大者
可一二次頓服立驗

治小兒走馬牙疳百驗方

冰片三分 黃連不犯鐵 括婁為末 紅褐子煨存性 黃蠶繭殼
煨存性研明 礬一錢五分 五穀蟲要有尾者尾上煨
各五錢 各末和勻再碾連吹數次立効吹藥時先以米泔
漱淨吹藥後仍以米泔漱淨
又將夜壺底內積垢取出燒灰存性研極細敷牙根
腫爛處立愈

又將蝸牛連殼煨灰存性研極細末吹患處立愈
右二方俱施季泉傳

治小兒心口疼 仲淳定

牽牛錢八炒八 白木香錢三 檳榔一兩 紅麴二錢 甘草錢三

橘紅錢八 綠礬錢八 煨紅 以米醋 淬四錢 細末粉糊和丸如梧

子大每四錢白湯吞終身不可食蕎麥

存之幼郎病內傷大小便俱血諸醫競用紅花桃仁

病愈甚仲淳曰桃仁之類疏其瘀也血且行奈何又

重傷之傷則補之而已以生地黄錢四 川續斷及杜仲

牛膝等飲之稍平而腹痛不已仲淳曰是在內經強

者氣盈則愈弱者着而成病加人參錢二 劑而愈

月埠張氏兒十歲自幼心痛得于母氣不時發者發

時飲食不進呻吟反覆三四日仲淳疏方藥入口即

止

檳榔錢二 黑丑錢一 木香分五 使君子錢二 橘紅錢二 白茯苓錢三

白芍藥錢二 旋覆花錢二 猪苓分一 錢五

義興楊純父幼兒病寒熱勢甚棘諸醫以為傷寒也

藥之不効仲淳曰此必內傷純父不信徧詢乳媪及

左右全不知所以傷故仲淳固問不已偶一負薪者

自外至聞而訝曰曩見郎君攀竹梢為戲梢折墜地

傷或坐此乎仲淳曰信矣授以活血導滯之劑數服

而起仲淳嘗言古人先望聞問而後切良有深意世

人以多問嘲鑿鑿者含糊舛脉以致兩誤悲夫

猴疔方

此胎毒濕熱從肛門或陰囊邊紅暈爛起漸至皮膚不結靨不治必爛死

生薑四兩鰻魚一觔共煮爛取濃汁塗之次用貝母灰存

性二錢五分牛黃 冰片各一錢共研細末敷之如復發用

綿花油一觔大楓子肉 蛇床子 乳香 沒藥共四兩

青黛兩五味研細浸油內青布蓋口以青錢壓之數

日後以鵝翎蘸油塗之再用鰻骨灰君牛黃 冰片

各少共為末敷之愈

兒服末藥

人中白煨 胡黃連 青黛各五分 辰砂分 甘草分 人參

分其為末蜜調服之

乳母服藥

當歸 黃連 金銀花 桔梗 連翹 川芎 其

草 山梔 薄荷各等分 水煎服以上三方

張守為幼郎患癆疔嗜食易饑腹如蜘蛛過數日一

瀉瀉則無度面自鰲黑指節中亦幾無剩肉矣其母

亦病診脉緊數骨蒸勞熱大渴引飲淋閉自產後已

然馬銘鞠曰兒病實母病也用麥門冬枇杷葉懷生

地白芍藥青蒿鱉甲之屬以治母用乾膽為君加犀

角羚羊角白芙蓉花半黃每用分許日入鷄肝內飯

上蒸服以治兒再用滑石白礬豆白茯苓車前子山
查肉五穀蟲等分爲末拌人乳晒乾七次略入砂仁
末陳米湯丸彈子大日進兩丸不二十日子母俱痊
二方絕無藥氣故兒喜啖之

華叔瞻乃郎慢脾風五六日愈愈甫三四日即從恣
飲食連浴兩宵復痰壅沉迷面自俱浮胸腹腫滿嘔
吐乳食不進角弓反張二便交秘有欲進以牛黃丸
者馬銘鞠曰下咽死矣此病後虛證也然參且勿用
用麥門冬三錢枇杷葉三片貝母二錢桑白皮一錢杏仁
一錢藿香一錢新鮮大糖球一枚蒼朮用乳汁炒橘紅一錢

五分加燈心煎臨服入薑汁逾時小便隨利腹即寬而
諸證悉退盡劑竟愈以此知嬰兒病後不可不慎即
此兒半年後下午連食冷鴨子二枚午間又縱恣飲
食更餘病發上不吐下不瀉胸腹脹滿目閉氣喘身
熱按其胸腹則雙手來護馬曰食也鴨子黃閉氣得
水則化今尚在胃口急索大棗數枚煎湯入砂仁錢
許以通其氣兒渴頓飲碗許氣漸通日開手足亦漸
流動再煎飲之夜半吐瀉交作次日勿藥而愈
萬中丞涵臺患痰證合琥珀丸不用棄去馬銘鞠曰
此幼科絕勝藥也開緘而琥珀清香之氣觸鼻入腦

光瑩可愛取之凡遇慢驚所投神驗兼治小兒一切
虛證如華虛舟五郎疳甚善哭週歲中每哭即氣絕
絕而甦一飯時許矣至三歲外其病日深哭而絕絕
而甦甚至經時初或一月一發半月一發後則頻發
有日再發者投以此藥入參圓眼湯下數丸遂瘥

琥珀丸方

琥珀三錢 天竺黃二錢 人參三錢 茯神二錢 粉甘草三錢 硃砂一錢
山藥一兩 胆星二錢 蓮肉三錢 煉蜜丸硃砂為衣每服一錢

從妹患泄後虛弱腹脹不食季父延諸醫療之予偶

問疾見其用二陳湯及枳殼山查等味予曰請一看
病者見其向卧內眠兩手置一處不復動曰元氣虛
甚矣法宜用理中湯恐食積未盡進以人參三錢橘
紅二錢加薑汁竹瀝數匙夜半思粥神思頓活季父
大喜盡謝諸醫再以六君子湯加山查肉砂仁麥門
冬調理之數劑立起即鄭黃門子婦也

稀痘神方

金銀花為末糖調不住服有效 顧驥宇傳

又方 江右朱以功傳神方也

赤豆小飯 黑豆 菘豆 粉草各一兩 為細末用竹筒

削去皮兩頭留節一頭鑿一孔以藥末入筒中用杉木砧塞緊黃蠟封固外以小繩繫之投入臘月廁中滿一月即取出洗淨風乾每藥一兩配臘月梅花片三錢和勻若得雪中梅花片落地者不着入手以針刺取者更妙如急用入紙封套內畧烘即乾兒大者用一錢小者用五分俱以霜後絲瓜藤上小藤絲煎湯調空腹服湯宜多服服後忌葷腥十二日解出黑糞為驗一次可稀三次不出每年服一次

又方 婁江王相公傳甚効

兔絲子 半觔好酒浸二宿煮乾去皮 黑玄參 四兩為極細末煉蜜丸

如彈子大每空心白湯調化一九日二次

又方加生地黃 麥門冬 各四兩 犀角末 一兩

又方

兔腦不去骨兔肚不去糞瑣瑣葡萄 五錢 白葡萄 五錢 共炙蜜丸每一錢白湯下此侯少芝方

又方 丁見源比部傳

用白牛虱數百枚焙燥和糖令兒服之服數次有紅點發出此毒解之候也不効再服先頭面次心坎次腰肚次四肢以漸見點痘必稀白牛惟江北多虱藏牛耳中不多得須多服方効

痘症有二一曰血熱毒盛一曰氣虛毒盛氣虛者可
 以徐補血熱毒盛者勢必亟一發熱便口渴面赤氣
 喘在喉譫語此其證也一見點即宜涼血解毒急磨
 犀角汁多飲之十可療四五稍遲難拔矣又有血熱
 兼氣虛者初發先服涼血解毒之劑五六朝後可以
 徐力補氣助漿唯初時不早涼血則毒不解毒不解
 延至六七朝勢必以參耆助漿漿必不來反滋毒火
 又有血熱毒盛似氣虛者初熱放點神思昏亂足冷
 痘色白如水窠唯有唇腫口渴辨其火症鑿者反以
 氣虛治之十無一生孫生東宿療鄭黃門子血熱毒

盛初起急以犀角地黃湯療之不効至用白芍藥
 一泄毒解徐補收功家弟玄箸一發熱即譫語唇腫
 齒黑痘欲出不出鑿者以為發斑傷寒也延仲淳施
 季泉不至予曰事急矣以生地八錢白芍藥五錢黃芩黃
 連各二錢稍加發藥日三劑勢稍定痘漸次出鑿者曰
 爾時宜發痘奈何以涼劑遏之予曰解毒即所以發
 也未幾季泉至以予言為然第減地黃芍藥之半復
 於助漿中兼清涼之劑九十朝漿足卒傷一目仲淳
 曰使子之言盡行則目亦可不眇矣醫後方大便此
 真血熱症也

松江黃綺雲療徐氏兒痘兒幼遇冬月痘不起熾炭
 圍爐抱兒火邊以酒漿挹火火氣薰兒痘立起
 又有痘而腰痛者一鑿以人參蘆兩煎湯飲之吐
 痘起痛尋解叩其故曰毒在下部提之則上升而毒
 散矣大抵痘家利吐吐中便有散毒之義
 施季泉曰凡成婚或破陽後出痘而腰痛者可療童
 子而腰痛是先夫之水不足也不治驚痘易治者以
 毒由心經出故輕非因恐嚇成驚反易治也其官甚
 有味故存之施君諱一中住良渚去杭州塘棲二十五里
 一小兒初痘血熱甚黃綺雲用懷生地兩三濃煎頓飲

其痘紫色立轉紅

臧玉涵次郎年十六因新婚兼酒食忽感痘諸鑿以
 為不可治施季泉至八日漿清寒戰咬牙譫語神思
 恍惚諸鑿皆欲以保元湯大劑補之季泉以為不然
 改用犀角地黄湯得脫痂後忽嘔吐大便燥結淹延
 一年群鑿束手生急仲淳仲淳視其舌多裂文曰必
 當時未曾解陽明之熱故有是症命以石膏一人參
 一麥門冬錢五枇杷葉橘紅竹瀝童便為佐一劑即安
 再進一劑兩間如冷物隔定父母俱謂必斃仲淳曰
 不妨當以參湯投之服兩許即思粥食晚得大便夙

疾頓瘳

治痘喘

取白花地丁以水煎服止喘甚神

治火痘毒盛遇火令施季泉傳

白花地丁瀉汁和淡白酒漿少許服之立解

治痘泄

長兒痘初熱卽泄日十數行見痘泄不止時鑿以脾胃藥止之愈甚施季泉曰是在不治予強之曰止泄不難發藥中加黃連錢二黃芩錢一劑泄止予喜甚施君曰非也毒火太熾故泄初泄時卽以解利藥乘勢

導之或可望生今遲矣過四日卽欲解毒無及矣坐視七日死

臧王涵幼兒甫半週身熱一日卽見痘郡有專門知名者延治之云樹小花多頂平脚塌根窠薄百死一生之症也五朝固辭去藥以保元湯為主擬六朝多用人參加附子疑慮間施季泉忽至曰此險症且誠云必發痒異常須看守嚴密藥用涼劑與前治大別七朝大發痒作瀉一日夜二十餘行或藥水或乳或湯飲俱傾注不變色舉家謂必無幸矣季泉怡然自若因強之用參必不許藥內加炒黑黃連瀉止十三

朝復發瘡口渴唇燥舌生白胎又加炒黃連白胎去
到底不用參十九朝季泉別又誠曰慎防痘疔口疔
疔之發也必在腦後枕骨間當以收口膏藥貼之禁
用摻藥口疔惟君家人中白散為妙不數日發疔口
生疔如其言治之輒效季泉口授一家傳秘方治痘
後餘毒如神

人參 白茯苓 金銀花 犀角各三錢 甘草一錢 羚羊五分

羊角錢一 珍珠分八 蜜先每服一錢日一服

一小兒痘泄諸鑿以升泄之劑投之不效黃綺雲至
以白芍藥約三兩餘酒炒一劑即止此脾虛有熱故

也

治痘虛寒將行漿時作泄用程係火熱泄者不可

蓮肉炒去心一味為末每末一兩加雲南亞片五分研

勻兒大者用末五分兒小者三分白湯調下立止虛

癢或虛煩躁不止亦如之

于中父長郎痘患血熱兼氣虛先服解毒藥後毒盡

作泄日數次不止痘平陷矣仲淳以真鴉片五厘加炒

蓮肉末五分米飲調飲之泄立止王宇泰繼以人參二兩

黃芪三兩鹿茸錢三煎服補其元氣漿頓足蓋以先服解

毒藥已多無餘毒矣故可補而無餘證

存之孫女痘後泄以鴉片如法飲之不止仲淳更以糯米蓮肉作糜一甌立愈

一老醫有孫痘已脫痂少腹脹小水不通衆醫以為痘後餘毒以利水解毒藥投之愈脹老醫忽悟曰痘後無實證土堅則水清脾虛下陷故也用後方一服立効

人參兩一大棗五枚水薑五片

治痘後脾虛作泄老人患此更効

黃耆四兩人參四兩肉豆蔻二兩五味子四兩山茱萸肉四兩蓮肉六兩白扁荳四兩白朮三兩為細末棗肉搗膏和丸如彈

子大每用一丸薑湯磨化下

一小兒痘已脫痂初無他苦一盞視其目精無神帶白曰不可為已逾日亡

治痘痂艱脫血熱又兼血虛故艱脫也尚宜保

人參一錢五分白芍藥三錢甘草一錢麥門冬去心五錢五味

子六分懷生地四錢金銀花四錢水煎饑時服

痘毒非元氣壯實者不可外治大忌圍敷藥戒之

痘疔神効方

雄黃牛糞尖燒灰存性為末每一錢加水片二分研細吹患處立愈

治痘後翻癩不拘上下部腫爛淋漓者俱効

象牙末三錢真珠末三錢白僵蠶二錢孩兒茶一錢五分爲極細末以濟寧膽脂調敷毒水如注漸漸收口

防痘傷目方 吳季臬傳自王府

雌雄檳榔二枚每枚用清水粗碗上磨一百轉隨將痘兒目閉者以口津潤開用鴨毛蘸檳榔水拖眼稍三四次其痘痂即落永不傷目

又方

用真濟寧油藤脂塗眼腔週遭三四次永不傷目試之累驗

治痘後病目兼治血熱病目而脾胃壯實者

天門冬四兩麥門冬四兩枸杞子四兩甘草一兩生地黃八兩五
味子二兩甘菊花三兩玄參三兩地骨皮二兩白蒺藜炒去刺五兩
穀精草三兩木賊草三兩蜜蒙花二兩草決明二兩女貞實同黑豆九蒸九晒六兩槐角四兩羚羊角三兩蜜丸

梁溪一女子痘後目痛上白靨不見物服二十

劑全愈 仲淳立

穀精草二錢草決明炒研一錢五分川黃連酒炒一錢五分懷生地二錢
川芎八分甘草六分白蒺藜炒研一錢柴胡七分甘菊花二錢石菖蒲一錢木賊草五分玄參一錢五分連翹一錢麥門冬二錢

痧癘論并治法

痧癘者手太陰肺足陽明胃二經之火熱發而為病者也小兒居多大人亦時有之殆時氣瘟疫之類歟其證類多咳嗽多嚏眼中如淚多泄瀉多痰多熱多渴多煩悶甚則躁亂咽痛唇焦神昏是其候也治法當以清涼發散為主藥用辛寒甘寒苦寒以升發之惟忌酸收最宜辛散誤施溫補禍不旋踵辛散如荆芥穗乾葛西河柳石膏麻黃鼠黏子清涼如玄參括婁根薄荷竹葉青黛甘寒如麥門冬生甘草蔗漿苦寒如黃芩黃連黃蘗貝母連翹皆應用之藥也量證

輕重制劑大小中病則已毋太過焉

痧癘續論

痧癘乃肺胃熱邪所致初發時必咳嗽宜清熱透毒不得止嗽癘後咳嗽但用貝母括婁根甘草麥門冬苦梗玄參薄荷以清餘熱消痰壅則自愈慎勿用五味子等收斂之劑多喘喘者熱邪壅于肺故也慎勿用定喘藥惟應大劑竹葉石膏湯加西河柳兩許玄參薄荷各十錢如冬天寒甚痧毒為寒氣鬱于內不得透出者加蜜酒炒麻黃一劑立止凡熱勢盛者即用白虎湯加西河柳忌用升麻服之必喘多泄瀉慎

勿止瀉惟用黃連升麻乾葛甘草則瀉自止瘰家不
 忌瀉瀉則陽明之邪熱得解是亦表裏分消之義也
 瘰後泄瀉及便膿血皆由熱邪內阻故也大忌止瀉
 惟宜升散仍用升麻乾葛白芍藥甘草白扁豆黃連
 便膿血則加滑石末必自愈瘰後牙疳最危外用雄
 黃牛糞火煨存性研極細加真片腦一分研勻吹之
 內用連翹荆芥穗玄參乾葛升麻黃連甘草生地黃
 水煎加生犀角汁一土三十匙調服緩則不可救藥瘰
 後元氣不復脾胃虛弱宜用白芍藥炙甘草為君蓮
 肉白扁豆山藥青黛麥門冬龍眼肉為臣多服必漸

強慎勿輕用參朮瘰後生瘡不已餘熱未盡故也宜
 用金銀花連翹荆芥穗玄參甘草懷生地鱉虱胡麻
 黃連木通濃煎飲之良

瘰瘰不宜依證施治惟當治本本者乎太陰足陽明
 二經之邪熱也解其邪熱則諸證自退矣

治瘰瘰發不出喘嗽煩悶躁亂

西河柳葉風乾為細末水調四錢頓服立定此神秘
 方也砂糖調服兼可治瘰後痢去歲銘鞠救吳少海
 子及其姪湯水不入矣逐口強灌之而生今歲張守
 為長郎初婚亦危矣治之亦愈皆仲淳法也

又方 仲淳立

蟬龜錢一 鼠黏子炒研一分 荆芥穗錢一 玄參錢二 甘草錢一 麥
 門冬去心三錢 乾葛一分 薄荷葉錢一 知母蜜炙一分 西湖柳錢五
 竹葉三十片 甚者加石膏錢五 冬米撮 又方加三黃
 賀知恐少子病痧癩家人不知尚以肉飯與之仲淳
 適至驚曰此痧證之極重者何易視之遽以西河柳
 兩許雜以玄參錢三 知母錢五 貝母錢三 麥門冬兩許 石膏兩半
 竹葉七十一片 劑而痧盡現徧體皆赤連進四劑薄暮
 矣知恐曰兒今無恙乎仲淳曰痧雖出盡煩躁不止
 尚不可保再以石膏兩三 知母兩一 麥門冬兩三 加黃芩

黃連 黃柏各五錢 西河柳兩一 竹葉二百片 濃煎飲之煩躁遂定而瘡

冬月痧癩因寒不得發透喘渴悶亂煩躁不定用麻黃去節湯泡過以蜜酒拌炒加一錢或七八分于治痧藥中一服立透藥用乾葛麥門冬貝母前胡荆芥玄參西河柳甘草知母

治痧後下積滯 仲淳立

川黃連酒炒一兩 升麻七分 乾葛八錢 甘草四錢 黃芩八錢 白芍藥八錢 滑石如法一兩 懷山藥粉和尤 白湯吞三五錢
 治痧後口瘡

43
2076

七厘散

肉苳菟不油不蛀 史君子 為細末白糖調服

外科

四卷十九

八十一

雄黃牛糞尖一箇火煨過 明礬五分 冰片一分 皮硝一分

白礬砂三分 銅青三分 研細以鵝翎管吹入患處

治痧後瘡 仲淳立

蟹甲如法 山查肉二錢 橘紅五分 貝母三錢 竹葉五十片

炙甘草七分 麥門冬去心 知母一錢 白茯苓二錢 乾葛一錢

柴胡一分 如不瀉去知母渴甚加石膏五分

附海上方 用南天竺煎湯飲治小兒疳症神效 馮權奇傳

治蛔結丸方

胡黃連八錢 白芍藥一兩 枳榔八錢 粉草五錢 廣陳皮二兩

